



RECIT

COMPOSET A NEVEZ

VAR SUJET UN EVENAMANT

ARRUET GANT

EUR CURE SANTEL,

EUS A ESCOPTI MILAN.

Var ton : *Santes Anna Palut.*

ME o ped, assistantet a bep sort qualite,
Deut da clewet eur Recit composet a nevez
Divar eur copi gallec ebars en brezonec,
Rac util eo discleria ar pez so arruet.

En Escopti Milan, en parros Belzoanne,
A so eur Cure santel, leun a humilite,
Truezus a charitabl en andret ar pevien
Ac a ro e oll danve evit dont d'ho souten.

Lec'h ma pos an arc'hant an defe goneet,
Evit lemel deus aneze na diminuont quet,
Ar pes en groa chagrinet ac en nos ac en de
Pa na elle gout penos ec'h erru quement-se.

Er bla tri a daouguent, an eil a vis c'hoëvrer,
 E ra an ofiç divin dirac on Mam santel,
 Ar Verc'hes gloriüs Mari, on guir avocades,
 Souten an oll pec'herien en pep rouanteles.

Goude ar venediction dimeus ar Sacramant
 E so arruet un den en eur memes instant,
 D'e c'houlen da vont gantan da velet un den clanv,
 A guefe a voa erru en e heur divean.

Partiet int assambles gant an Otro-Doue
 Ac an treo evit nouin ar paour affliget-se;
 Dre bonheur e recevas e oll sacramancho
 Ac un anter eur goude e souffre ar maro.

Charmet an otro Cure o velet ar bonheur
 A chomas d'he assistan quen a deu da vervel.
 Da pedin Doue evitan gant eur galon partet
 A bete fin e vuez en deus an assistet.

Pa voa maro an den-mâ e quemer e quemniat
 N'eur dont da souhaitin deze oll un nosvez vat,
 Da veilla ar corf maro pehinin voa gante,
 Ac e commanças e ent en eur pedin Doue.

An domestiq deus an ti a voa bet evitan,
 Pen guelas o partian en em offras dezan
 Da vont d'he conduin betec e Presbitair,
 Ac en trugarequeas gant respet ac enor.

Nan, eme an otro Cure, ne meus aon rac netra,
 Pa e guir e meus douguet Redemptor ar bed-mâ,
 E teuio d'am preservin deus an drouç sperejo,
 Rac credin ran eo mest d'an oll puissanço.

Eet eur pennat ac'hane, troet en eur c'horden,
 E clevas aroc dezan eur voës terribl o clem,
 Ac o tonet d'e intent e c'harret en e sav,
 Da sellet en dro dezan, mais na vele netra.

Poursuiv a ra e pasio evit tostaat dean
 Ac e remerquas un den deus an ancienna,
 Guen e vleo ac e varv quen a steredenne
 E zaoulagat varnezan a baoue ma tostaë.

En eur dont d'he vriata e c'houlennas outan,
 Gant cals a humilite, pera a clesquet aman?
 Nao eur anter eo brema, eet eo an dud da gousquet
 Ac an amser, ma mignon, a so cri a calet.

Bet on o c'houlen logean en eur neubet plaço
 Hep ma hon aneveet gant hinin ar vestro,
 Ac en defot a repu e renquan chom aman,
 Quen a deui ar sclerigen varnon da partian.

Deut ganin mar plich ganec'h, eme an otro Cure,
 A me o laquei da repos bars n'eur guele,
 A deus ma comodite a rei dec'h da coania
 Assambles ganin ous tol, a deus ar pep guellan.

Pa antreas en e di e c'hes da c'hoezan an tan,
 Da doman an den ancien, da c'hortos ozan coan,
 Ac e laras d'e vates : Prepar dimp on coanio,
 Ma cozefomp assambles evel camarado.

Pa voant ous tol azeet e c'houlennas outan,
 A petore bro e voa, a piou a ret anezan;
 Ac e respontas dezan, e voa a Bethleem,
 Emmanuel e ano, ep ma allas compren.

C'hoas e c'houlennas outan ac e a voa quernes
 Er broio a tremene dre ar rouanteles,
 Ac e respontas dezan partout a c'he memes tra,
 Na velan nemert crimo an abominaplan.

An tado ac ar mammo a velan mepriset,
 Dre oll gant o bugale goude ma vent savet,
 Ac e tennont varneze ar vengeañ deus an env,
 Guel collo, a drouc amser, ac ar mortalite.

Un nombr bras a vlavejo a vo en abundañ
 Ac amser vat da dastum dre oll ar providañ,
 A ro an Otro-Doue da vevan ar pec'herien,
 Da re vo fidel dezan na vanquo birviquen.

Ractal e tisparissas deus an otro Cure,
 Ac e chomas estonet o velet quement-se,
 Ac evit e recompañ deus e chariteo
 E lar dezan quen a vo en joaio an evo.

Neuse e teu da compren e voa on Mest divin
 En deus parlantet outan ac e c'ha d'an daoulin
 Da houlen pardon outan, deus a greis e calon
 Da c'hortos mont da velet on Salver var e tron.

An inin n'eus recitet ebars en Brezonec
 Tout an explication a so groet en Gallec,
 A so a parros Plouguiel, *Yan AR GUEN* e ano,
 Ac e priet ous e ren eis bla a tregont so.

FIN.